



Claudia Meili-Senn (post da stab per l'egualitad da las schanzas), Fabio Scardina, Cuira, Pierina Derungs, Cuira, e Gian-Marco Cadosch, Lantsch (da sanestra).

## Fiutscher surdat premis

Concurrenza dal post da stab per l'egualitad da las schanzas a la fiera da la tscherna da professiun Fiutscher

■ (cc) Il post da stab per l'egualitad da las schanzas dal chantun ha surdat ils premis da la concurrenza a la fiera da la tscherna da professiun Fiutscher. A la fiera da la tscherna da professiun Fiutscher dals 6 fin ils 11 da november 2012 en la halla da la citad da Cuira han las visitadras ed ils visitaders pudì s'aprofundar en las dumondas da l'egualitad e da la tscherna

da professiun a maun d'ina concurrenza. Passa 1500 persunas giuvnas han profità da la schanza ed ussa èsi enconuscent tgi ch'èn las ventiraivlas victuras ed ils ventiraivels victurs. Il premi principal, in iPad regalà da Dataquest/Letec Cuira, gudogna Pierina Derungs da Cuira. Il segund premi, in uregljer HiFi regalà dad expert Strittmatter, survegn Fabio Scardina, er da

Cuira, ed il terz premi, in bon dal Manor, va a Gian-Marco Cadosch da Lantsch. Cordiala gratulaziun!

Dal rest, nossas ambassaduras e noss ambassadurs professiunals pudais vus ve-sair live en in film sin [www.stagl.gr.ch](http://www.stagl.gr.ch). Ellas ed els represchentan ina tscherna da professiun variada, che stat libra a mats ed a mattas.

### OPINIUNS

## La Chasa Editura Rumantscha (CER) e la Ligia Romantscha (LR)

La Chasa Editura Rumantscha (CER), naschida ils davos onns, ei ina dellas instituziuns pli positivs e perschudentas en favur dil romontsch. La Ligia Romantscha (LR) vul par'ei liquidar la CER, respectivamein proponer ina sli-giazun ch'il cussegl editorial della CER numna ina farsa. Quei che la LR snega. Mo ins astga crer dapli al cussegl editorial che vegn cun cefras e cun la historia d'ina relaziun buc adina idillica denter LR e cultura/litteratura romantscha.

La damonda ei fetg sempli: pertgei vul la LR liquidar la CER? 150 000 francs annuals per la CER e la plazza da silmeins

50% per l'editura della CER fussen necessaris per cuntinuar, sco quei ch'il cussegl editorial, autur della contribuziun minuziusa en La Quotidiana dils 08.01.2013, scriva. 150 000 francs fussen 5% de tut ils daners che la Confederaziun transfere-scha via cantun alla LR, pia in vegnavel digl'entir. Quei less la LR pia buca dar en favur della litteratura romantscha! Damai ch'in entir ha vegn vegnavels (sch'jeu sbagliel buc), ed in vegnavel vegn refusaus, sedamondan ins automaticamein nua che tschels scheniv vegnavels mondien. Segir è per bunas causas...

Insumma, la veglia damonda della

proporziun denter «revoluziunaris» e «funziunaris», sco ella setschentava ella Russia suenter 1917, para da setschentar mutatis muntandis era en nies cass, e quei resca da finir en favur dils funziunaris. La la litteratura sa ir a rugar, ni emigrar en auters lungatgs? (Analog sco quei ch'igl'artist Marc Chagall ha bandunau la Russia dils funziunaris.)

Raschun ha il cussegl editorial della CER: *Ina CER che n'è betg ina farsa dovra 150 000 francs l'onn, in'editura cun in pensum da lavur dad almain 50% ed ina direzziun independenta e cumpetenta.*

Ursicin G.G. Derungs, Milaun/Vella

### NOVITADS WWW.RTR.CH

#### Collavuraziun cun policists sur cunfins

Policists da la Svizra, l'Austria ed il Liechtenstein duain pudair collavurar meglier. Il cussegl federal ha perquai reve-dì il contract da polizia cun ils dus pajais e delibèrà quel per mauns dal parlament. Il contract surlavurà preveda instruments supplementars per cumbatter la criminalitad greva. Tranter auter vai per la pro-tecziun da perditgas e las retschertgas zuppadas. Quai saja impurtant scriva il cussegl federal en ses messadi.

#### Memia paucs donaturs d'organs

La Svizra ha ina da las pli bassas quotas da donaturs d'organs en l'Europa. Quai mussa in studi da la fundaziun «Swisstransplant». Mintg'onn moran enfin tschient persunas perquai ch'ellas na sur-vegnian betg ad uras in organ. La funda-ziun pretenda perquai tranter auter dan-ers per engaschar experts en il sectur da dar organs. Ultra da quai duai il personal dals ospitals vegnir scolà meglier. Ina cussegliaziun cumpetenta dals confami-gliars possia augmentar la quota da do-naturs.

#### La CSS pretenda daners dal producent da farmazia Bayer

La cassa da malsaus svizra CSS sustegn in plant d'ina unfrenda probabla da la pirla Yasmin cunter il concern da farma-zia tudestg Bayer. La CSS pretenda da Bayer plirs 100 000 francs ch'ella ha pajà per la tgira da l'unfrenda probabla, ha ditg l'avocat da la famiglia en l'emissi-un «10 vor 10» dad SRF. Ina giuvna da 16 onns ha survegnì ina embolia dal lom suenter ch'ella haveva prendì la pirla Yas-min, ina pirla anticonceptiva. Dapi lura è ella ina persuna cun impediments.

#### Pitschnas reduziuns da pretschs per il 2013

En il martgà da detagl svizzer na crodan ils pretsch betg pli uschè fitg sco l'onn passà, malgrà il turissem da cumissiuins. Quai mussa ina enquista da la banca Credi-t Suisse. Ils economs da la Credit Suisse prognostitgeschan per il 2013 mo pli pitschnas reduziuns da pretschs. L'onn passà èn ils pretschs crudads en media per passa 2%. Tenor la retschertga pon ils detaglists quintar quest onn cun in creschament da la svieuta da radund 1,5 pertschient.

#### Chattà plantascha da chonv ed arsenal d'armas

A Biberist en il chantun Solothurn ha la polizia chattà en ina chasa ina plantascha da chonv ed in arsenal cun passa 100 ar-mas. Ils possessurs èn consorts svizzers che ston sa responsar pervi d'avair cun-trafatg a la lescha d'armas ed a la lescha da meds narcotics. Sco quai che la polizia scriva cumpiglia l'arsenal d'armas cun-tels, pistolas e buis da tuttas sorts sco era muniziun. La gronda part da las armas n'è betg registrada.

#### Accusaziun cunter pensiunà

En connex cun il cas da l'accident da bartga sin il Lai da Bienna il fanadur 2010, ha la procura publica accusà in um da 77 onns. Quai ha ella decis suenter avoir terminà las retschertgas. A l'um vegn renfatschà mazzament per negli-gentscha, ha communitgà la procura publica. Tar l'accident è ina dunna da 24 onns vegnida en il propeller d'ina bartga a motor e morta pervi da las blessuras grevas. Il manischnun da la bartga è i vi-navant senza s'occupar da l'unfrenda.

#### Sgular è uschè segir sco anc mai

Il sgular è tenor indicaziuns da la bran-scha anc mai stà uschè segir sco l'onn 2012. Quai resorta d'in rapport ch'è ve-gnì communitgà en il magazin «Aero In-ternational». Il dumber dals morts en l'aviatica mundiala vegn inditgà cun 496 persunas. Quai èn dus pli pauc che l'onn avant. Ils blers accidents èn capitads cun tips d'avions ch'èn gia daditg svani ord la produczuon. Il pli segir èsi da sgular en l'Europa ed en l'America dal Nord.

#### Il mument vegn publitgà naginas quotas da televisiun

Dapi l'emprim da schaner vegnan las quotas da las emisiun da televisiun en Svizra registradas cun ina tecnologia no-va. Pervi da difficultads tecnicas renunzia l'interpresa Mediapulse il mument da publitgar las datas novas. Tenor Media-pulse, l'interpresa incumbensada per mesurar l'utilisaziun da televisiun, haja il sistem funcziunà senza problems il de-cember. Ils emprims dis da l'onn haja dentant dà differenzas che na sajan betg plausiblas. Per examinar la chausa desis-ta Mediapulse il mument da publitgar las cifras.



*Ti eis per mei, o Jesus glisch e pasch;  
en tei uss secumpleina mia veta.  
Jesaias 35*

Trests, mo era engrazievels ch'il Segner ha liberau ella da siu pitir, prendein nus cumiau da nossa cara mumma, tatta e sora

## Ursina Schwarz-Candinas

13-4-1945 – 8-1-2013

Suenter liunga suffrientscha eis ella sedurmentada en pasch.

**Adressa da malencurada:**  
Schwarz Rico  
Via Camplun 14  
7166 Trun

**En carezia seregurdein nus dad ella:**  
Lucas Schwarz e Flavia Caduff-Schwarz, fegl  
Rico e Manuela Schwarz, fegl  
cun Dario, Lisa e Clara  
Giusep e Silvane Candinas-Henry, frar  
Toni e Margrit Candinas-Pedrolini, frar  
parents ed enconuschents

La sepultura ha liug venderdis, ils 11 da schaner allas 14.00 en baselgia S. Martin a Trun.